

Saksprotokoll i Rådet for menneske med nedsett funksjonsevne - 12.02.2014

Årsmelding 2013 for rådet: Årsmeldinga for 2013 skal leggast fram som melding for fylkestinget i juni. Alle medlemmar sendar inn ein oversikt over dei arrangementa dei har delteke på, kva dei meiner om arrangementet og om dei anbefalar at rådet deltek på liknande arrangement. Denne oversikta vert sendt til arbeidsutvalet innan 5. mars. Arbeidsutvalet skriv eit utkast til årsmelding 2013 for året på møtet 11. mars.

Oversikt over større sakar til handsaming våren 2014: Fylkesutvalet har kvart halvår fått ein oversikt over kva større sakar som skal handsamast politisk det neste halvåret. Ein slik oversikt skal fylkesutvalet nå få til kvart møte. Dette er ein bra moglegheit for rådet til å fange opp aktuelle sakar i god tid før handsaming. Rådet vedtek å leggje ved saka som referatsak til kvart møte.

Møte med organisasjonsavdelinga 11.02.2014: Harald Norheim og Ingeborg Borgen Takle hadde eit møte med leiargruppa til organisasjonsavdelinga i fylkeskommunen. Møtet var eit svar på brevet rådet har sendt til alle avdelingane på huset. Leiargruppa består av Geir Davidsen, personaldirektør, Svein Åge Nottveit, IT-sjef, Janne Værnø, kommunikasjonsdirektør, Birte Markeseth Aasen, leiar for administrasjonsseksjonen, Ruth Brudvik, HMT-sjef. Dessverre var organisasjonsdirektøren Ingrid Hom Svendsen sjuk og kunne ikkje møte. Nordheim presiserte at rådet ikkje berre ønskjer å opptre som ein «vaktbikkje», men at det er viktig å ha ein god dialog slik at ein kjem tidleg inn i prosessane som det er viktig å kome med innspel til. Rådet ønskjer å gi ros til positive tiltak som er gjort og saknar informasjon om slike. Eit konkret innspel frå rådet var ein uro for at det nye saks- og arkivsystemet ikkje er lagt til rette for at synshemma kan lese ved hjelp av teknologi. Dette skulle Nottveit ta vidare. Geir Davidsen og Janne Værnø ønskja å delta på eit møte for å orientere heile rådet og for å sjå på moglegheiter for å promotere rådet. Rådet for menneske med nedsett funksjonsevne inviterer Davidsen og Værnø med på eit møte så snart det er mogleg.

TT-kort for varig funksjonshemma: Rådet ønskjer å sjå på regelverket som gjer at varige funksjonshemma må søkje kvart 4. år for å få TT-kort. Rådet vil be om ein orientering frå samferdselsavdelinga om regelverket, og vil ved trong sende ein førespurnad til fylkestinget om saka.

BRA-midlar – møte 10.02.2014: Ingeborg deltok i eit møte angående BRA-midlane med Svein Grude, som er sakshandsamar, samt representantar frå Skyss og samferdselsavdelinga. Der vart det bestemt at Hordaland fylkeskommune skal konsentrere seg om søknaden som i 2014 vart prioritert som nummer 2; Opprusting av 20 sentrale haldeplassar til universell utforming. Denne vert delt i to, med ein som er generell universell utforming og der den andre går særskilt på skilting.

Kollektivstrategi – høyringsutkast: Frist for høyringsutkast er 11. april. Medlemane i rådet vert bedt om å lese saka på hordaland.no, og kome med innspel til arbeidsutvalet seinast 5. mars. Arbeidsutvalet skriving ein uttale til kollektivstrategien på møtet deira 12.03.2014.

Grieghallen – rehabilitering: Rådet vedtek å be om ein orientering frå Grieghallen AS om rehabiliteringane som vert gjort i samband med universell utforming til neste møte.

Den Nationale Scene – oppsetjingar for hørselshemma: Kvart år vert det satt opp to førestillingar som er tilgjengelege for hørselshemma. DNS har banebrytande teknologi som legg til rette for at hørselshemma skal kunne ta del i opplevinga, og rådet meiner det er synd at det ikkje vert brukt meir. Særleg fordi det er mange som vil kunne ha nytte av teknologien. Generelt er rådet nøgd og imponert over den servicen menneske med nedsett funksjonsevne møter på DNS, og skulle derfor ønskje at også denne delen vart lagt til rette. Rådet for menneske med nedsett funksjonsevne vil be Den Nationale Scene om å kome for å orientere rådet om oppsetjingane som er lag til rette for hørselshemma.

Den Nationale Scene – oppsetjingar for hørselshemma: Rådet for menneske med nedsett funksjonsevne vil be Den Nationale Scene om å kome for å orientere rådet om oppsetjingane som er lag til rette for hørselshemma.

Fråfall frå vidaregåande skule – elevar med nedsett funksjonsevne: Ei rapport som visar til fråfall i vidaregåande skule, med fokus på elevar med nedsett funksjonsevne er gjort kjent for rådet. Finnvold: *Levekår og sosial inkludering hos mennesker med fysiske funksjonsnedsettelse*, NOVA-Rapport, 12-13. På bakgrunn av denne og andre rapporter vart Ellinor Kreybu og Harald Norheim oppringt av NRK for å kome med uttale. Dei valde til slutt å ta saka direkte med politikarane, men for rådet sin del er saka ikkje avslutta. Rådet for menneske med nedsett funksjonsevne vil be om ein orientering frå opplæringsavdelinga, med særleg fokus på kva dei gjer for å sikre at elevar med funksjonsnedsettingar ikkje droppar ut av skulen.

Vedtak

Årsmelding 2013 for rådet: Alle medlemar sendar inn ein oversikt over dei arrangementa dei har delteke på, kva dei meiner om arrangementet og om dei anbefalar at rådet deltek på liknande arrangement. Denne oversikta vert sendt til arbeidsutvalet innan 5. mars. Arbeidsutvalet skriv eit utkast til årsmelding 2013 for året på møtet 11. mars.

Oversikt over større sakar til handsaming våren 2014: Rådet vedtek å leggje ved saka som referatsak til kvart møte.

Møte med organisasjonsavdelinga 11.02.2014: Rådet for menneske med nedsett funksjonsevne inviterer Davidsen og Værnø med på eit møte så snart det er mogleg.

TT-kort for varig funksjonshemma: Rådet vil be om ein orientering frå samferdselsavdelinga om regelverket, og vil ved trong sende ein førespurnad til fylkestinget om saka.

BRA-midlar – møte 10.02.2014: Rådet for menneske med nedsett funksjonsevne tek informasjonen til orientering.

Kollektivstrategi – høyringsutkast: Medlemene i rådet vert bedt om å lese saka på hordaland.no, og kome med innspel til arbeidsutvalet seinast 5. mars. Arbeidsutvalet skriv ein uttale til kollektivstrategien på møtet deira 12.03.2014.

Griegghallen – rehabilitering: Rådet vedtek å be om ein orientering frå Griegghallen AS om rehabiliteringane som vert gjort i samband med universell utforming til neste møte.

Fråfall frå vidaregåande skule – elevar med nedsett funksjonsevne: Rådet for menneske med nedsett funksjonsevne vil be om ein orientering frå opplæringsavdelinga, med særleg fokus på kva dei gjer for å sikre at elevar med funksjonsnedsettingar ikkje droppar ut av skulen.